



Ntimukige ubumenyi kugira mubukoreshe mu kwihaya ku bandi bamenyi, ntimukige ubumenyi kugira mubukoreshe mu guhaririza ibijuru

Mu vyakiriwe na Jaabiri mwene Abdillaahi (Imana Allah Ibishimire bompi) yavuze ko Umuvugishwamana (nyakugira amahoro n'impuhwe z'Imana Allah) yavuze ati: "Ntimukige ubumenyi kugira mubukoreshe mu kwihaya ku bandi bamenyi, ntimukige ubumenyi kugira mubukoreshe mu guhaririza ibijuru, ntimukige ubumenyi kugira mubwitwaze mu guhabwa ivyicarwo vy'iteka, uwo wese rero azokora kimwe muri ivyo, azoba akwiye guhanwa mu muriro udahera, azoba akwiye guhanwa mu muriro udahera".

[صحيح] [رواه ابن ماجه]

Umuvugishwamana (nyakugira amahoro n'impuhwe z'Imana Allah) yarihanije umuntu ko yorondera ubumenyi kugira yihayagize ku bandi bamenyi mu kwiyehera ati: jewe buriya ndi umumenyi nkamwe, canke kugira akoreshe nya bumenyi mu guhaririza ibijuru n'abakehane ubwenge, canke akarondera ubumenyi kugira ahabwe ivyicarwo vy'imbere, canke ngo abe ari we baherako mu kwicarika abantu. Uwo wese rero akoze kimwe muri ivyo, ni ukuri aba akwiye kuja mu muriro udahera ku kwiyehera kwiye "riyaa-u", akaba atagira n'izirikanamana "ikhlaasw" mu kurondera ubumenyi kwiye.

<https://www.sunnah.global/hadeeth/rn/show/65047>

